

程

中州戍集第五

史御史肅 三十首

史內翰公奕 一首

許司諫古 四首

高治中庭玉 四首

陳司諫規 二首

劉鄧州祖謙 三首

王監使特起 七首

梁太常持勝 一首

密國公壽 四十首

史御史肅

蕭尚書貢 三十一首

龐都運鑄 二十九首

王防禦良臣 十首


李治中適 六首

馮內翰延登 十七首

高博州憲 八首

李經 六首

愚軒居士趙元 三十五首



肅字舜元京兆人僑居北京之和衆幼孤養於外家天
資挺特高才博學作詩精緻有理尤善用事古賦亦奇
峭工於字畫業科舉爲名進士立朝爲才大夫優於政
事嚴而不苛所至有聲吏畏而安之累以廉陞歷赤縣
及幕官入爲監察御史遷治書出刺通州大中黨獄起
爲所絀謫靜難軍節度副使大安初召爲中都路轉運
副使超戶部正郎復坐鑄降同知汾州事卒官舜元素
尚理性之學屏山學佛自舜元發之晚年頗喜養生謂
人可以不死嘗欲棄官學道而竟止於此可哀也已詩
號澹軒遺藁今在燕都鄭庭幹家其平生則見之屏山
故人外傳云

偶讀賈逵之邀飯帖有感作詩哭之

微官已歎鸞棲屈異事俄傳鵬告凶彩筆書來墨痕濕
玉樓人去酒尊空當時快意牛心炙今日傷懷馬鬣封
一幅銘旌送哀挽白楊蕭索九原風

河上

堤外三竿日河邊八尺泥夜風喧馬櫪秋露冷鷓棲歲
月吾生老關山客夢迷故園桃李樹揮蕩不成蹊

別張信夫

破壘殘星沒寒城曉角孤天低雲錯莫野曠雪模糊小
市千錢米征人丈八及邊愁故未已不敢恨長途

別懷玉

官曹不着市門仙綠髮恣恣換少年慣作簿書塵裏夢
愧無山水窟中緣蜂豸鶴膝曾搜句兔角龜毛不論禪
此別相思湫何許一川山色鴈連天

山陰縣

湧雲驅雨不成霖山徑危行未要深午夢初迴鳥鳥樂
小亭斜日柳陰陰

方丈坐中

紙本功名直幾錢何如付與北窓眠詩書作我閑中地
風月知人醉裏天水底游魚真見性樹頭語鳥小參禪
平生習氣蓮華社一炷香前結後緣

早出遵化

朝來對酒不能觴看盡西風去鳥行山好未忘三日雅
詩窮贏得一秋忙強顏紅葉自由舞野性黃花無賴香
多謝殷勤暮雲影更留淡墨寫溪光

宿睦村

闌干河漢已西傾獨坐披衣過五更簷馬丁東風外響
田車歷轆月中行忘形以鳥知人意翠地山雲不世情
露草霜筠有幽意詩題分付候蟲聲

次韻尖之飲酒

日上南窓已數竿醉頭扶起不巾冠欲開社瓮多招客
先乞兵厨暫補官玩世唯知酒功聖藏身無似醉鄉寬
麒麟閣上功名字不博生前一笑歡

過九里山

斷蛇扛鼎兩爭雄
陳迹荒涼萬事空
今日山前無過客
數株衰柳管秋風

道傍柳

秋霜一何嚴
凋此道傍柳
殘枝幾葉在
其勢不得久
憶昨三春時
濯洗煙雨後
弄姿舞娑娑
勸我一盃酒
別後遽能幾
忽忽成老醜
人生非金石
長短百年壽
功名與富貴
於身亦何有
古人隨物化
今已柳生肘
我獨何為哉
窮年事奔走
長堤隱落月
駐馬一回首
春風柳稍黃
定得西歸否

登憫忠寺閣

淨宇懷超想
層梯企俊游
喧卑三界盡
製作六丁愁
聚土閑童子
移山老比丘
能除分外見
寸木即岑樓

讀傳燈錄

閉戶懶不出
真成住夏僧
肝腸雖自苦
面目得人憎
處世若大夢
學禪猶小乘
早知文字悞
更用讀傳燈

夏夜

一雨昭蘇外
群山宴寂中
移床就佳月
引袂納涼風
蝸舍怜渠小
蚊雷訝許同
幽懷闕清境
舒嘯夜將終

物化

物化能忘我
天遊不用心
羶香群蟻聚
樹靜一蟬吟
敗井勞深汲
荒庭闕近尋
枕書聊假息
夕日半墻陰

立秋日

舊穀催新穀，今秋似去秋。年衰猶健飯，官達也窮愁。樹鳥依依宿，簷螢細細流。箇中詩句在，倚杖得冥搜。

感興

避俗嫌高絕，干榮耻盜誇。居貧偶從仕，學道不忘家。樹果蕃秋實，園葵粲晚花。一軒吾事了，無意競紛華。

偶書

東風數點梨花雪，吹我傷春萬里心。知有高亭堪眺遠，惜無佳客共登臨。晴雲入戶團傾蓋，飛鳥隨人作好音。寒食清明少天色，孤居未要酒盃深。

放言二首

蓮社從來說陶遠，竹林今不數山王。家雞野鷲何須較，秋菊春蘭各自芳。清風明月無人管，茶鼎薰爐與客同。壯歲羞為襦襜子，如今却羨嘒嘒翁。

曉出東廬

谷口子真隱，水濱韋氏莊。鷗鷺賓客對，鴻雁弟兄行。小圃藜生竹，平林半是桑。朝陽生野渡，濕盡馬蹄霜。

次張信夫韻

絳帳先生寄一州，不教文字到橫流。草玄只擬關門坐，好事應從載酒游。虎穴已曾探虎子，龍溝未信出龍頭。錦囊詩句年來未，滿供盡閑花野草愁。

駿脫

年年道路少清歡處處葵蔬餽薄食月色過窓同夜夢
霜華著壁獨朝寒求醫未有詩千首破老唯消竹數竿
衰髮從今不須脫少留衰白戴黃冠

立秋日

畏景流庭過涼颼即坐未物隨時共換人覺老相催憇
蝶依藜穩嘶蟬抱樹哀玉簪香好在墻角幾枝開

復齋

居士年來一復齋馴庭鳥雀絕驚猜雨添窓下硯池滿
風揭床頭書卷開身似卧輪無伎倆心如明鏡不塵埃
紛紛寵辱人間世付與浮雲任去來

北潭

竹陰松影玉葱籠十里平提一徑通碧水乍開新鏡面
青山都是好屏風寒蟬高鳥清愁外折葦枯荷小景中
酒力未多秋興逸夕陽聊貸半林紅

晚興

秋蟲已息又還吟晚雨初晴又作陰水面微風掠蒼玉
雲頭落日綠黃金年豐酒價應須賤睡起茶甌未要深
人道雙清到心迹年未無迹亦無心

雜詩二首

春江日暖舞清連客舍蕭蕭一縷煙幽鳥隔林招我醉
小桃當戶爲誰研禪心已作沾泥絮詩思渾如上水船
却是官閑得無事一簾紅雨枕書眠

南皮城下荒秋草說是當日燕支臺世事翻騰只如此
吾生棄置已焉哉迎風紫萸因循老背日黃花次第開
獨夜不眠思阿謝白羊如駕小車來

春雪

豐年不救兩河饑臆盡纔看小雪飛謾說春未膏澤好
其如壠上麥苗稀空花只解驚愁眼濕絮寧堪補敗衣
頰笑西臺瘖御史日斜騎馬踏泥歸

蕭尚書貢

貢字真卿咸陽人唐太傅真十七代孫博學能文不減
前輩蔡正甫大定二十二年進士自涇州觀察判官召
補省掾不四五月拜監察御史累遷右司郎中預修泰

和律令所上條畫皆委曲當上心興陵嘉歎曰漢有蕭
相國我有蕭貢刑獄吾不憂矣又奏死囚獄雖已具仍
責家人伏辨以申冤仰詔從之遷刑部侍郎入謝曰臣
願因是官廣陛下好生之德上大悅凡真卿所平反多
從之歷大興同尹德州防禦使同知大名府事陝西商
路轉運使河東北路按察轉運使靜難軍節度事南京
都轉運使御史中丞以戶部尚書致仕年六十六終於
家謚曰文簡有注史記百卷公論二十卷五聲姓譜五
卷文集十卷傳於世

渭南縣齋秋雨

穴床撐柱小窓前一點青燈照不眠簷溜涼瑋風浙瀝

嫩涼如水夜如年

假梅

綠窻嬌小似梅人素手東風巧思新鸞尾剪裁千顆雪
蜂脾點綴一家春長教客枕生幽思不逐林花委路塵
莫道去非詩破的免毫那解寫花真

臨泉道中

半世事行役茲游初未經峽門迷白晝嶺脊上青冥澗
曲莓苔滑松盤霧雨溟登危人跼踖涉險馬竝落日
留行客投鞭得驛亭短墻明積雪破屋漏疎星菟笛誰
三弄羈懷強一聽葭蘆知不遠河外數峯青

自感

形骸付與甄陶外禍福難防倚伏前孔雀若知牛有角
應須忍渴過寒泉

荒田擬白樂天

荒田幾歲闕人耕欲種糜蕎趁晚晴急手剪除荆與棘
一科才了十科生

樂府崔生 徽蘭二崔名

徽門晝煖柳啼鴉蘭閣窻深月照紗腰素輕盈珠極穩
鬢雲駸亂玉釵料春風一去空陳迹暮雨三生只當家
自倚廣平腸似石不妨綺語賦梅花

米元章大字卷

顏楊死去誰補處米狂筆力未可涯追摹古人得高趣

別出新意成一家老蛟駮雲肉倔強枯樹漬雪冰楂牙
九原裴說如可作應有新詩三嘆嗟裴說懷素草書歌
欲歸家三嘆嗟眼前三箇字枯樹楂烏梢蛇黑老鴉

揚侯畫晉公臨江賞梅樂天與烏窠禪師泛

舟談玄不顧而去戲爲一絕以代晉公招

樂天同飲云

明粧冷藥兩清新面纈浮光數爵頻
拭風前寒鼻液快來同醉雪中春

漢歌

華陰雙壁傳山鬼報道明年祖龍死
草閒豪傑伺天時攘袖撫衿爭欲起
藁祠篝火妖狐語夥涉爲王張大楚

南公舊有三戶誰東井新看五星聚中原
茫茫走秦鹿天遣沛公興白屋大蛇斬斷
素靈號蚩尤祭罷朱旗矗竭未扶義入關
中息結人心帝道隆秦法煩苛猶一洗
項王慄悍何勞攻三傑相須立人紀四老
仍未安太子已令陸賈說詩書更詔孫通
制儀禮阿翁着手規摹遠獨恨兒孫讀城
旦王純霸雜寧不知不是不知知已晚

楚歌

沙立車過亡明鏡人頭畜鳴自賢聖阿房
殿裏醉宮娃趙高手中持國柄群雄雲擾
蕩山東邯鄲却墮秦圍中項王一戰動天
地諸侯膝行趨下風割裂河山建侯國
天下畏威心不服只貪衣繡榮楚侯豈識
金刀得秦璣

楚歌一夜四面發泣別虞姬歌數闕殘兵牢落似晨星
獨騎凌兢踏寒月烏江渡口方喚船五侯追奔已江邊
苦道天亡非戰罪劍化壯氣成飛煙君王雄武古無比
獨無仁義誰相濟向能忠計資范增未必漢家能卜世
穀城東頭土一丘悠悠遺恨何年休

悲長平

秦兵伏甲武安西趙將非材戰士携千里陣雲沉曉日
萬家屋瓦震秋聲哀纏朽骨天應泣恁入空山鳥不栖
百戰區區竟何得阿房煙草亦淒迷

雒陽

西來洛水遶崧高野店荒村換市朝董卓搜牢連數月

郭威夯市又三朝劫灰深掘終難盡鬼火爭然忽自消
千古興亡幾春夢只將閑話付漁樵

中秋對月

去年中秋客神京露坐舉盃邀月明今年還對去年月
北風黃草遼西城年年月色長清好只有悲秋人易老
兒童不解憶長安歌舞團圓遶翁媪人生宦游真可憐
不知何處度明年預愁老罷廢詩酒負此冰玉秋嬋娟
我生萬事隨緣耳居自無憂行亦喜君不見杜子閨中
只獨看鄜州寂寞千山裏

寄荅張維中

北轅千里赴陪都日覺遠家計愈疎人事浮雲千變化

宦途平地幾崎嶇青山有約長回首白髮無情忽滿梳
賴有同年老兄弟相思時寄數行書

保德州天橋

鬱鬱風雲入壯懷天潢飛下碧崔嵬兩崖偪側無十惜
步萬頃逡巡納一盃濺沫紛紛跳亂雹怒濤殷殷轉晴
雷曾聞電火魚燒尾會趁桃花漲水來

靈石縣

古道行人少荒城亂石侵天橫機素直河入土囊深澗
近雲長潤山高日易沉田翁樂豐歲歌笑下崎嶇

真容院

魔宮佛界等空虛此理何曾屬有無直向臺山始相見

可中還有二文殊

讀火山瑩禪詩卷 禪師隰州白氏岐山令

君舉樞判文舉之弟自幼日有詩名河東堂
有詩云十日柴門九不開松庭雨後滿蒼苔
草鞵挂起跏趺坐消得文殊更一耒歸寂後
客有示其集者因題其上

長短都歸一夢中身前身後兩無窮李愷信士今如在
定向江湖訪澤公

君馬白

我馬瘦君馬肥我馬虺隤君馬飛彫鞍寶校錦障泥向
風振遶長鳴嘶一朝計落路傍兒銅鬲爲擲薪爲衣瘦

馬雖瘦骨駘奇古人相馬遺毛皮千金一顧會有期

陳宮詞

三閤花深白晝迷酒催狎客賦宮詞管絃散落春風外
一曲金釵兩鬢垂

岢嵐

岢嵐地勢橫三泖河朔城墉挂一箕紫塞高連寒日短
黃榆落盡長年悲

按部道中二首

窟野河津水沒晉管岑官路雪封條一年樂事能多少
強半光陰馬上消

寒城睥睨神山隅秋半霜風塞草枯月轉譙樓天未曉

角聲吹徹小單于

日觀峰

半夜東風攬鄧林三山銀闕杳沉沉洪波萬里兼天湧
一點金烏出海心

族兄才御下弟後赴宜祿酒官以詩寄之

夕期老距擲文場命壓人頭可得忙兩脚塵泥官業晚
十年燈火夜窓涼霜添老葉山梨紫雨浥寒花野菊香
寒花一南北相望無百里幾時樽酒浣離腸

梨花

丰姿閑淡洗粧慵眉綠輕顰秀韻重香惹夢魂雲漠漠
光搖溪館月溶溶陳家樂府歌瓊樹妃子春愁恹玉容

安得能詩韓吏部郭西同去醉千鍾

後趙

擬倫人物指高光可笑臬雛不自量正使成名皆豎子
英雄也未到君行

古採蓮曲

洋洋長江水渺渺漲平湖田田青荇荷艷艷紅芙蓉
酣斜日外萋萋涼風餘舊舊誰家子臬臬二八初兩兩
並輕舟笑笑相招呼悠悠波上鴛潏潏蒲中魚采采不
盈手依依欲何如

擬迴文四首

春波綠處歸鴻過夜月明時飛鵲愁人去附書將恨寄

暮山雲斷倚高樓

樓上却來樓下待晚窓春盡斷回腸愁人有說嫌人問
淚洒新詩掃墨香

風幌半縈香篆細碧窓斜影月籠紗紅燈夜對愁魂夢
老盡春庭滿樹花

萋萋碧草連天遠杳杳行人幾日迴淒雨晚涼空坐久
淚粧殘暈濕紅腮

史內翰公奕

公奕字季宏大名人系出石晉鄭王弘肇父良臣宣和
中擢弟終於潞州觀察副使季宏大定二十八年進士
再中博學宏辭科程文極典雅遂無繼之者累遷著作

即翰林修撰同知集賢院正大中置益政院楊吏部之
美與李宏皆其選也以直學士致仕年七十三卒李宏
文章書翰皆有前輩風調下至棊糊之技亦絕人遠甚
閑閑稱其溫厚謙退與人交愈久而愈不厭其學問愈
扣而愈無窮其見重如此詩文號洹水集兵後失之子
應祖字企先孫彥忠今在燕中

李鴈門

天下三分二屬梁區區獨木欲支唐錦囊三矢傳遺恨
不救朱三着赭黃

龐都運鑄

鑄字才卿大興人家世貴顯明昌五年進士風流文采

為時輩所推字畫亦有蘊籍仕至京兆運使自號默翁

雪谷曉裝圖

溪流咽咽山昏昏前山後山同一雲天公談笑玉雪噴
散為花蓋白紛紛詩翁瘦馬之何許忍凍吟詩太清古
老奴寒縮私自語作奴莫比詩奴苦木僵石老鳥不飛
山路益深詩益奇老奴忍笑憐翁癡不知嗜好乃爾為
楊侯冑中富丘壑醉裏筆端驅雪落因何不把此詩翁
畫向草堂深處着

景骨城驛中夜雨

畫角邊城暮孤春野水秋一川霜樹老萬葉雨聲愁自
古誰青眼勞生只白頭何時問漁父容我一扁舟

洛陽懷古

草樹蕭條故苑荒山川慘淡客魂傷
玉光照夜新開塚
劍氣沉沙古戰場金谷更誰誇
富麗銅駝無處問興亡
一尊且對春風飲萬事從來穀與臧

田器之燕子圖

器之自敘云明昌丙辰予從軍塞外合虜里山野舍荒
涼難以狀言春末有雙燕亦巢此屋土人不之識屢欲
捕之予曲為全護此燕晝出夜歸予必開戶待之忽一
日飛止坐隅都無驚畏巧語移時不去予始悟明日秋
社此鳥當歸殆留別語也因作一詩贈之云幾年塞外
歷崎危誰謂鳥衣亦此飛朝向蘆陂知有為暮投第舍

重相依君憐我處頗迎語我意君時不掩扉明日西風悲
鼓角君應先去我何歸此詩以細字寫之為蠟丸繫之
燕足上明年四月予受代歸又八年泰和甲子任潞州
觀察判官四月十二日偶坐解舍之舍翠堂忽雙燕至
一飛簷戶間一上硯屏予諦視之繫足蠟丸故在乃知
此鳥蓋往年贈詩者也因請同年龐君才卿畫為圖求
諸公賦詩器之姓田名琢雲朔人明昌五年進士至山東路宣撫使慷慨有志節開公所謂田侯落落奇男子者也
田君才略燕雲客少年累有安邊策悔從筆研取功名
直要橫馳沙漠北塞垣春雪白皚皚東風未放玄陰開
烏衣之國定何許一雙燕子能飛來三年驛舍安西道
眼底鶯花無夢到忽見佻飛入短簷此身似向邯鄲覺

君居海東我中原相逢乃在穹廬前天涯流落俱為客
感時念遠空潸然長安何限高高閣晝夜風閑開翠幕
底事猜嫌不往依甘從此地風沙惡土人嗜肉無仁心
一生弋獵誇從禽有巢幸穩勿浪出汝身未必輕千金
朝來暮去益押昵物我相忘情意一但怪重裘積漸添
元是西風催社日須知音巧惟鷓鴣忽來坐隅如告辭
我方留寓未歸得為君忍賦傷心詩詩成自述聊為戲
繫足封之亦無意燕已歸飛我未歸刀斗聲中忽驚歲
旄頭夜落妖氛收嫖姚獻凱歸神州玉關早喜班超入
北海不聞蘇武留君才經世寧終枉幕府須賢未上黨
別後歸期兩及瓜人間秋燕十來往沉沉官舍紅芳稀

葛衣燕居澹忘機忽聞巧語入簷戶大似相識未相依
一飛簷外窺庭樹一上屏山驚鳥不去解足分明得帛書
真是當年留別句天生萬物禽最微固耶偶耶吾不知
古道益遠交情醜朝息暮愁雲遷移當時握手悲別離
一旦富貴弃如遺聞予燕歌應自疑慎無示之嗔我譏

揚之尚書詩云危巢客舍外相依常記西風社日歸海國傳
心千譯隔塞垣回首十年非新詩尚在空老舊夢無憑鳥自
飛寄語齊堂見眼曾明少鷗相款解忘機張巨濟云沙塞相逢命
已輕翠堂見眼曾明少鷗相款解忘機張巨濟云沙塞相逢命
德自紹黃雀報機心能致白鷗盟社前秋後風光好須賀他年
大履成率之純云一別天涯十見春重耒白髮一番新心知話
盡春愁處相與依義如故人生債分付平安七字篇王謝鳥與
不說及蘭紅線定虛傳何如此段人親見舊話從今不直錢
談說及蘭紅線定虛傳何如此段人親見舊話從今不直錢
此日重來話更長客舍在錦囊開新消息雲堯香冷舊黃主人
裝君知否千古朱幾在錦囊開新消息雲堯香冷舊黃主人

張翥趙承元王副樞子明詩各一詩此不具錄

晚秋登城樓

山勢碧環合溪光縞帶明牛羊成晚景砧杵助秋聲酒
薄人情廢官閑吏事生天東歸興滿不為憶尊羹
落日危樓上詩成只自哦清商行老矣紅葉奈秋何墮
既前非悟跳丸去日多功名猶誑我未許着漁蓑

冬夜直宿省中

吏散庭空宿鳥過凍吟聊復戰詩魔陶泓面冷真堪唾
毛穎頭尖漫費呵畏事政宜賓客少不才偏覺簿書多
西窗燈閣尊無酒奈此迢迢夜漏何

山行絕句

四面雲山玉作園一川霜樹錦為衣翩翩數騎南岡下
傅粉王孫射鹿歸

漉酒圖

我愛陶淵明愛酒不愛官彈琴但寓意把酒聊開顏自
得酒中趣豈問頭上冠誰作漉酒圖清風起毫端露電
出形似神情想高閑大似揮絃時目送飛鴻難袖中有
東籬開卷見南山嗟予因塵土青鬢時一斑折腰尚未
免敢謂善閉關望望孤雲翔羨羨飛鳥還歸田未有日
掩卷空長嘆

夏日

富國才疎合自羞清時無補但優游只知錢向畚中裹

不信能教地上流

花下

香滿西園曉雨微
萬紅千翠自高低
苦為常作莊周夢
飛向幽芳開處棲

梨花

孤潔本無匹
誰令先衆芳
花能紅處白
月共冷時香
縞袂清無染
冰姿淡不粧
夜來清露底
萬顆玉毫光

未開牡丹

國香半吐醉顏酡
炫耀春工已自多
愛惜不教催羯鼓
更澆卯酒看如何

却暑

九夏樓居不厭高
要須直至冷雲巢
風未蘋末聊自快
暑滿人間無處逃
蔗蜜漿寒冰皎皎
畫簾鈎冷月梢梢
閑思殿閣生涼句
誰爲懸誠作解嘲

懷友

鏡裏衰顏失舊紅
當年豪逸夢魂中
山城對月中秋夜
隴鴈寄書西北風
遣與與誰同酒盞
相思無處附詩筒
憑高想到消魂處
落日無言水自東

喜夏

小暑不足畏
深居如退藏
青奴初薦枕
黃妳亦升堂
鳥語竹陰密
雨聲荷葉香
晚涼無一事
步屨到西廂

墨竹三首

隔溪煙雨

一溪流水玉涓涓
溪上脩篁接暮煙
誰倩能詩文與可
筆端移得小江天

秋風驟雨

瀾川急雨暗秋空
無限琅玕澹墨中
劔甲撻撻軍士萬
欲將貔虎戰斜風

春雷起蟄

千梢萬葉玉玲瓏
枯槁叢邊綠轉濃
待得春雷驚蟄起
此中應有葛陂龍

山谷透絹帖

君不見李廣射虎如射兔
霹靂一聲石飲羽
又不見巨靈擘山如擘雲
蓮華萬仞留掌痕
精神入物物乃爾筆

端有神亦如此熙豐以來推善書
日下無雙黃大史
曾中八法蟠虹蜺
我肩僊人容竝馳
平生敗筆塚累累
妙處不減磨崖碑
呂侯好古兼好異
與字分身作游戲
清潭錯落印星壁
天澤縱橫散龍蛇
又如漢宮粉黛爭
嬋娟倚風顧影影更研
豈無硬黃官帟與
臨做畫師寫照非
天然呂侯之子今
詩仙傳家以此為
青氈須防神物有
時合却逐六丁飛
上天

許司諫古

古字道真永安中進士
在宣宗朝以直言極諫
稱哀宗即位首命驛致
之落致仕授右司諫未
幾乞身還伊陽

開闢公制詞云安車蒲輪天子所以優賢之禮黃冠野服人臣所以遂歸老之心其思榮足以兩全而前後不可多得有臣

如此如鄉幾人具官道直以方氣剛而大議論非世儒所到名節以
古人自期擢自先朝置之諫列亦安昌竊位已聞折檻之忠及深冀
伏辜方見埋輪之志朕即六位檢閱直聲起之於田里退開之間超
之於侍從論思之地完備始終之節從容進退之間歎陽城之敢言
惜其所去念孔戡之既老挽之莫留特進一階榮路四秩華山拂也
最其為世上之開神武注冠猶不負山中之相勉終晚節益介壽祺
郡守為起伊川亭道真性嗜酒老而未衰每乘舟出村
落閑留飲或十數日不歸及沂流而上老稚奔走爭為
之挽舟數十里不絕其為時人愛慕如此正大七年年
七十四卒前三日有書見及字已歆傾矣

青柯平二道人

深谷緣危磴長林繞碧山山中四時好方外兩翁閑身
世青雲上塵埃大夢間高情應笑我才到却空還
被召過少室

老病無堪合退休伊川久已得菟裘如今又上長安道
好被青山笑白頭

扇圖

雲壓溪澗小雪春融融和氣浥輕塵山禽共作梅花夢
物性由來懶是真

訪箕和尚峴山 箕出衣冠家在三屯山中
有元夕懷京都詩云一燈明處萬燈明天上
人間不夜城前日惠林洪覺範雪窻孤坐聽
猿聲甚為時人所稱

山中風定夜沉沉月滿禪林靜客心蒼檜四排嚴法界
孤松中立殷潮音鼓鍾有節人如玉臺殿無塵地布金

二月未游春尚淺紅梅無數照山陰

王防禦良臣

良臣字大用潞人永安五年進士作詩以敏捷稱又於
內典有所得入翰林與李欽叔善從軍南征欽亦預行
道中酬唱甚多有詩云蕃花冉冉蜜脾香未穗疊疊鶻
眼黃一縷晚煙吹不去為誰着意護秋霜欽叔愛之興
定初自請北行沒於軍中贈孟州防禦使

送任李二生赴舉

塵澁鰲鉤公子恨風吹馬耳謫仙愁皇天老眼成人晚
今日男兒得志秋官樣文章堆筆底世情風色候江頭
主司不是冬烘物五色迷人莫浪憂

汴堤懷古

迷仙樓觀鬱連空一日都歸鬼唾中奢則非亡天聽邈
去而不返水聲東鎖煙弱柳愁蛾綠閣雨幽花淚臉紅
總為錦帆歸不得至今啼鳥怨東風

旬休飲

嬾嬾東風雪外還又催春色動谿山百年莫作千年調
十日須謀一日閑千丈歸心詩卷裏一襟豪氣酒盃間
醉鞭約住黃昏月馬首佞懸玉半環

息軒

乾沒皇皇西復東不知假息禍機中黃金一旦隨胠篋
腐骨千年付撻蓬世味甜於刀上蜜人心苦似夢中蟲

一庵松雪雙明底笑殺西山槁項翁

九月七日飲

紫霞零落帶孤禽平楚蒼蒼秋意深月過初三半梳玉
菊迎重九滿籬金天怜病骨商量煖雲促歸程計會陰
風鴈飛未更瀟洒一枝蘆雪印波心

牧牛圖

三摩不受一塵侵本分功夫日念深杖屨得廻遊子脚
葛藤灰盡老婆心顛狂不作風頭絮出入誰傷井底金
廻首人牛在何許一江明月夜沉沉

狸奴畫軸

三生白老與烏負又現吳生小筆前乞與黃家攘鼠禍

莫教虛費買魚錢

雜詩三首

道人知我愛禪房淨掃階前紫石牀軟飽三五風味好

脫巾和月卧昏黃

老子平生酷愛閑天教行處得禪閑粥魚敲落簷頭月
猶在梅花醉夢間

殘陽收拾弟兄行揀得機心不到鄉安置小奴今夜夢
蘆花風細月如霜

高治中庭玉

庭玉字獻臣恩州人天定末進士章宗衛王朝甚有時
名爲人豪爽尚氣節一時名士多歸之貞祐初自左右

司郎官出爲河南府治中與知府復興屢以公事相可
否時都城受圍使驛阻絕復興爲安撫副使懼獻臣謀
已乃以造逆訊之獻臣就逮龐才卿雷希顏王士衡辛
敬之皆被羅織幾有一網之禍比赦至獻臣瘦死矣獻
臣多作詩賦海中牛頭云鑿開渾沌竅闖出神農首人
多稱道之猶子廣之今在河平

天津橋同李之純待月一首

驟鸞追散仙乘槎抵銀潢跳上玉龍背抱得銀蟾光素
娥愁不歸再拜捧瑤觴問以天上事玉色儼以莊爾能
爲我歌白雪我亦爲爾搗玄霜不然借我廣寒殿與我
長作無何鄉傍有謫仙人拍手笑我狂天風忽吹散人

月兩茫茫

柳絮

斷送春歸去紛飛不暫停和風三徑雪微雨一池萍蝶
惹依芳草蜂沾過小庭靜宜投隙地狂欲攬青冥得得
穿朱戶時時撲翠屏黃鸝枝上語似與訴飄零

道出平州寒食憶家

柳色方濃別玉京程程又值石龜城山重水複人千里
月苦風酸鴈一聲上國春風桃葉渡東陽寒食杏花餉
楚魂蜀魄偏相妬兩地悠悠寄此情

飛山怨

漢家自有飛將軍軍中駭嘆箭有神一朝乃與獄吏對

惜無千金書贖背手把屬鏤口銜須號天者三我何辜
伊吾壯志長已矣不得提携玉龍死可怜休唱白鷺鳩
至今秦人悲杜郵

李治中適

適字平甫藥城人明昌二年進士高才博學無所不通
爲人滑稽多智而不欲表表自見工畫山水得前輩不
傳之妙龍虎亦入妙品然皆其餘事也泰和中大興幕
官時虎賊知府事賣權恃勢奴視同列平甫每以公事
相可否不少假借又摘其陰事數十條欲發之虎謀篡
者也聲勢焰焰人莫敢仰視乃爲一書生所抗積不平
先以非罪誣染之幾至不測雖有以自解竟坐是仕宦

不進以東平治中致仕閑居陽翟十餘年自號寄庵先
生平生詩文甚多如云舊管新收粧鏡在昨非今是酒
盃乾贈筆工云工不能書何以筆士須知筆乃能書感
事云半錢利路人乃虎一鈎名餌吾其魚魯山道中云
老夫自喜林野僻路人頗笑衣裳寬散失之餘不復全
見矣臨終戒家人吾明日歸而輩慎勿遽哭果如期而
逝家人哭不禁良久開目云戒汝勿哭令我心識散亂
言畢目復瞑其明了又如此子治字仁卿正大七年次
世科屏山贈詩所謂仁卿不是人間物太白精神義山
骨者也

贈中山楊果正卿

士道彫喪愁天公陰靈恹恹塵濛濛三冬不雪春未雨
野桃無恙城西紅春光為誰作駘蕩造物若我哀龍鐘
數行墨浪合眼死一包閑氣終身窮中山公子文章雄
雅隨童稚為彫蟲禰衡不遇孔文舉坡老懶事陳元龍
唯之與阿將無同乾坤萬里雙飛蓬飄飄南北東西風

江村

陸地無根客江村有髮僧兩盃殘喘粥一寸苦吟燈

集句題廣寧勝覽亭

簷前無數好峰巒醉眼詩腸冰雪寒不識閭山真面目
請君未此凭闌干

獅子峰

解脫眼光三界靜端公伎倆一時休雲間正使金毛現
子細看來是石頭

送窮

昔年曾作送窮詩結柳賣糧擬退之送去還來還復語
君家猶有讀書兒

使高麗

去國五千里馬頭猶向東宜情蕉葉鹿世味蓼心蟲倦
枕三更夢征衫八月風山川秋滿眼歸思寄孤鴻

陳司諫規

規字正叔稷山人明昌五年進士博學能文詩亦有律
度為人敦厚動有禮節南渡以後諫官稱許古陳規而

正叔不以訐直自名尤見重云仕至右司諫卒官子良
臣今在燕中

送雷御史晞顏罷官南歸

五事前陳志拂刺屹如砥柱閱頽波一毫共惜近年去
三黜何傷仰季和連蹇仕途如我老激昂衰俗在君效
扁舟南去知難戀萬頃煙波一釣羨

過驪山

豐鎬無由問故基三章止見黍離詩而今多少華清石
都與行人刻艷辭

馮內翰延登

延登字子駿吉州人承安二年進士令寧邊日適閑閑

公守此州與之考論文義相得甚歡故子駿詩文皆有
律度正大末奉命北使見留使招鳳翔不從欲殺者久
之割其鬚鬚羈管豐州二年乃得還天興初元授禮部
侍郎京城陷自投井中子駿資稟淳雅與人交殊款曲
讀書長于易左氏傳好賢樂善有前輩風調嘗欲作國
朝百家詩而不及也有集號橫溪翁予過大名見於其
子源如賦德順道院隴泉云玉壘制方維瓊漿闕仙宅
何人斲雲根一旦泄地脉金匱鎖龍漿月窟逗蟾液銅
壺漏水清玉斗天醴碧光搖日千道影落天一席窈然
仇池穴自與天壤隔又登封途中遇雨留僧舍云濕雲
若煙佻飛雨如矢集近山衣已涼薄寒復相籠衣霽景

函草木秋意滿原隰林紅寒更殷山翠晴更濕不知高
幾許但見蒼壁立群峰誰暇數庭筍紛戢戢騰擲未眼
中左右疲顧揖皆其得意句也

鄆城道中

北風慘澹揚沙塵鄆西三日無行人十村九村雞犬靜
高田下田狐兔馴昨朝屏息過溪口知有白額藏深榛
赤子弄兵更可惻路傍僵尸衣血新野叟偃偻行拾薪
欲語碎易如驚鷹瘦梅疎竹未慰眼只有清淚沾衣巾
元日隆安道中
山岡重複三竿日溪路縈迴一席天老境飄零情更惡
又從馬上得新年

宿三冢寺

老栢蒼蒼纏老藤招提牢落有殘僧
瞋禽自入藏經閣
飢鼠時窺照佛燈
未得安心如北秀
却思覓法趁南能
濛濛雨暗門前路
更得雲房一曲肱

因為次韻

陰陽壘壘定何如
自信祥金先有模
曾見唐生談躍馬
豈知阮籍亦窮途
倦游笑我裴駘白
弄筆怜君醉袖烏
便欲移書與歐九
略分餘論為嘔枯

寄笏青柯平

飛雪驚沙捲屋茅
清寒潑水透綿袍
松風度壑江聲遠

羅月當軒扇影高敢對名山談世事不妨空腹貯離騷
且將手版牢藏起政恐山人譏馬曹

射虎得山字

田翁太息論三害獵騎俄驚見一斑涎口風生雷吼怒
角弓寒勁月痕彎柳營共許千人敵魚服仍餘一矢還
我欲殘年賞神駿短衣匹馬夢南山

雪

屋破寒無那庭空雪已深山川非舊觀松柏見貞心凍
雀爭遺粒棲鴉點暮林携琴訪溪友清興憶山陰

華清故宮

寵貴羊羔退曲江華清霧閣對雲窓層巒未了霓裳舞

遷客俄驚羯鼓腔簷際疎星疑曉鏡天邊晴樹認高幢
遊人尚喜風流在白石涵波阜筴雙

西園得西字

芳筵層巒百鳥啼芝廬蘭畹自成蹊仙舟倒影涵魚藻
畫棟銷香落燕泥淑景晴薰紅樹暖蕙風輕泛碧蓂低
岡頭醉夢俄驚覺歌吹誰家在竹西

八月十四日宿官塔下院二首

野僧引客看脩竹拄杖入林驚暝禽一道細泉鳴薜磴
恍如閑聽穎師琴

喬松脩竹翠交陰涼月玲瓏地布金老懶無詩酬節物
夜涼閑聽候蟲吟

探春得波字

好雨新晴景氣和東坡冰盡水增波
茅茨影裏燕雙語桃李稍頭春幾何
霧靄未收芳陌潤斜陽偏傍小樓多
雕鞍畫轂方爭道更得留連藉綠莎

春雨二首

山市人歸暮雨飛倚筇久立看簷霏
乍來勢若懸麻密颯止聲如鼓瑟希
砌下蟻歸任赤幘簾間燕入濕烏衣
今宵客夢知安穩厭浥新涼到枕帏
小雨濛濛潤土膏谷風習習不驚條
晨煙半濕任平野春水初生沒斷橋
已見鵝黃勻柳麥更看檀紫上榆椒
從今樂事知相繼櫛比雲平看壠苗

藤花得春字

白白紅紅委暗塵蒼藤次第看花新
龍蛇奮起三冬蟄纓絡紛垂百尺身
見說紫雲偏得意不知翠幄巧藏春
齋厨晚甌清香蒲未信俠門有八珍

蘭子野晚節軒

華顛益信寸心丹直道寧論末路難
不嘆士元淹驥足但憂仲叔累猪肝
籬根佳菊分秋色簷外長松耐歲寒
几有琴書尊有酒却愁兒輩覺清歡

泚石硯

鸚鵡洲前抱石歸琢未猶自帶清輝
芸窓盡日無人到坐看玄雲吐翠微

劉鄧州祖謙

祖謙字光甫安邑人永安五年進士歷州縣有政迹拜
監察御史以鯁直稱其不能俯仰世好蓋天性然也正
大初為右司都事除武勝軍節度副使召為翰林脩撰
家多藏書金石遺文略備父東軒工畫山水故光甫以
鑒裁自名至於信筆作簡牘尤有可觀一時名士如雷
御史淵李內翰猷能王右司渥皆遊其門得入一詩可
傳必殷勤稱道唯恐不聞人以此稱之子敏仲今在平
陽

雅集圖

翠雀翩翩野鶴孤玉京人物會仙圖後未且莫輕題品

席上揮毫有大蘇

崆峒山圖為橫溪翁二首

好竒仍有客相携絕頂披雲快一躋三十六峰青似染
五年拄笏羨橫溪
獨占名山每羨渠京塵今日污吟須西州十載經行處
惆悵雲烟是畫圖

高博州憲

憲字仲常遼東人祖衍字穆仲國初進士仕至吏部尚
書伯父守義大定十六年進士父守信以蔭補官叔守
禮宣徽使仲常黃華之甥幼學於外家故詩筆字畫俱
有舅氏之風天資穎悟博學強記在太學中諸人莫敢

與抗秦和三年乙科登第自言於世味澹無所好唯生
死文字間而已使世有東坡雖相去萬里亦當徃拜之
屏山故人外傳說仲常年未三十作詩已數千首矣釋
褐博州防禦判官遼陽破沒於兵間

元夕無燈

九陌無燈夜悄然小紅時見點春烟多情唯有梅梢月
拍酒樓頭照管絃

寄李天英

稻結蒼蒼陂已枯西風剪剪弄楸梧蒹葭水落魚梁迥
蟋蟀声高山驛孤社氣新成元亮酒并刀細落李膺鱸
作詩遠寄霜前鴈人在海東天一隅

題新山寺壁

列壑攢峰發興新落花飛絮舞餘春虛堂坐視三千界
冠者相從五六人澗草軟宜承屐齒溪泉清可濯纓塵
靜聽山鳥松風裏始悟人間樂未真

焚香六言四首

抹利花心曉露蒼薇萼底温風洗念六根塵外忘情一

炷烟中

蒲地落花春曉一簾微雨輕陰正要金蕉引睡不防玉

龍知音

帝帳收烟密下松灰卷火常虛午寂春閑小睡人間自
有華胥

沉水濃薰甲煎宮梅細點波津爽爽非烟非霧依依如
幻如真

長城

秦人一鍛連雞翼六國蕭條九州一祖龍跋扈侈心開
牛豕生民付鏃礮詩書簡冊一炬空欲與三五爭相雄
阿房未了蜀山上石梁擬駕滄溟東生人膏血俱枯竭
更築長城限袞褐卧龍隱隱半天下首出天山尾遼碣
豈知亡秦非外兵宮中指鹿皆庸奴驪原宿草猶未變
咸陽三月爲丘墟黃沙白草彌秋塞唯有坡陀故基在
短衣匹馬獨歸時千古興亡成一慨

王監使特起

特起字正之代州崞縣人智識精深好學善論議音樂
技藝無所不能長於辭賦出入經史摘其英華以爲句
讀如天造神出至得意不減郭黼在張代州門下與屏
山爲忘年友泰和三年進士甲科調真定府錄事參軍
有惠政民立碑頌其遺愛改令沁源又遷司竹監使朝
議欲以館職召試會卒遊龍德宮聯句云棘猴未窮巧
槐蟻或失王賦雙峰競秀云龍頭矗雙角駝背堆寒峰
華山云三峰盤地軸一水落天紳造化無遺巧丹青摠
失真閑閑公屢哦此詩以爲妙

沁源山中

野夫不識武城宰問之無言色微政但說今年秋雨多

黃芪蒲谷無人采踏徧西城錦石盤暮投佛屋解征鞍
隔林依約見燈火山谷人家初夜寒

張代州挽大節

砥柱堂堂閱潰川諫書一帙力回天兩朝眷倚傳龜玉
五郡歡謠被管絃茨舍棠陰餘舊綠夜臺松月耿孤圓
行人謾洒碑前淚誰識顏公是地仙

謾作

有時幽鳥話心事無限秋蟲誇口才北闕上書吾老矣
東籬把菊思悠哉竹林留得巨源在蓮社招人淵明未
不然餘子敗人意懷抱耿耿胡爲開

偶作

人情爭勝似爭碁死怕輸人一着逢黑白不分傍袖手
年來吾亦愛吾癡

絕句二首

山勢奔騰如逸馬水流委曲似驚蛇溪靈不欲露天巧
眼力未到雲先遮
鳥語留春春已迴落花隨意卧蒼苔清明寒食因循過
萱草薔薇次第開

下弟

人間萬事等樗蒲敢謂何人不得盧勝負到頭俱偶爾
狂夫安用繞林呼

李經

經字天英大定人作詩極刻苦如欲絕去翰墨蹊逕間者李趙諸人頗稱道之嘗有詩云鴈奴失寒更拍拍叫秋水天長夢已盡秋思紛難理最為得意其餘或有不

雜詩六首

長河老秋凍馬怯冰未牢河山吟鞭底日暮風更號
晨井凍不爨誰療壯士飢天廐主山禾不救我馬虺
塵埃泪沒伺候工離騷不振矜魚蟲風雲誰復話著蔡
不圖履絺哀屠龍挾箴塌管坐書空呻嘆堂上酣歌鐘
乃知造物賦兒童不妍遠目送歸鴻莫怪魏瓠無所容
此去未許江船東五經不掃途轍窮門庭日月生皇風

太阿剖室礪以石坐掃鷓鴣推天雄

巖椒鬱鬱雲日夕生陰雨雪縞夜秋黃老林人煙墨突雜
徑雲深

造物開巖地巖帳掄劔壁苔花張古錦霜苦老秋碧日
夕雲實陰風鼓泉湧石馬蹄息磽确樵道生枳棘盤盤
出井底迴首悵如失長老不耐事底事挂塵迹披雲出
山椒白鳥表林隙

梁太常持勝

持勝字經甫絳州人本名洵義避宣宗諱改父襄字公
贊大定初進上質直尚義有古人之風仕至保大軍節
度使有諫興陵田獵表傳於世其賀章宗即大位表云

曾天子祖天子世嫡相承舜何人予何人自強不息又
自河南府倅移華州防禦使謝上表云昔同雒尹已陪
嵩岳之呼今領華防願效封人之祝世亦稱之經甫泰
和六年進士制策優等宏辭亦中選為人儀觀雄偉以
文武志膽見稱貞祐初由太學博士為咸平治中宗室
承祧辟為僚佐承祧死太平謀不軌以兵脅經甫使作
文移經甫大罵不從即日遇害時年三十六贈韓州刺
史初赴官有詩云山雲欲雨花先慘客路無人鳥亦悲
人以為讖云

海棠一首

野杏山桃交路塵芳華都屬錦城春只緣造物偏留意

任使無香亦可人粉白謾誇粧樣巧胭脂難染睡痕新
沉香亭子勾欄畔消得君王比太真

愚軒居士趙元

元字宜之定襄人經童出身舉進士不中以年及調鞏
西簿未幾失明自少日博通書傳作詩有規矩泰和以
後有詩名河東李屏山為賦愚軒有落筆突兀無黃初
之句愚軒宜之自號也用是名宜重南渡以後往來洛
西山中閑閑公雷御史王了文許至忠崔懷祖皆愛之
所至必虛左以待為人有材幹處事詳雅既病廢無所
營為萬慮一歸於詩故詩益工若其五言平淡處他人
未易造也宜之之父名淑字清臣由門資叙與先隴城

為莫逆交故好問交游間得宜之之詩為多子頗有隱
節今居鄉里

鄰婦哭

鄰婦哭哭聲苦一家十口今存五我親問之亡者誰兒
即被殺夫遭虜鄰婦哭哭聲哀兒即未埋夫未迴燒殘
破屋不暇葺田疇失鋤多草萊鄰婦哭哭不停應當門
戶無餘丁追胥夜至星火急并州運米雲中行

渡洛口

一脉寒流兩岸冰斷橋無力強支撐忘機羨殺沙鷗好
不省人間有戰爭

書懷繼元弟裕之韻

蒼龜不須問我命只自知多生墮宿業世網纏綿之驂
駟受羈銜大笑跛鼈逢跛鼈亦復笑縮首甘自卑何必
參添園物理本自齊檳榔可消穀志士常苦飢穆之萬
人雄猶不免此譏我懦更多病區區欲何為鍾鼎不可
倖藜藿分所宜安能如黃蜂為人填蜜脾清白儻少汚
評後人何所貽初學悔大謬篆刻工文辭年未厭酸鹹
淡愛陶潛詩愛詩固自佳其如未忘機回頭四十年言
動俱成非誰能逐世利日久常規規惟當種溪田與子
常相期

窻扉有生意山間春到時長安冠蓋塵游哉不如茲西
疇將有事老農真吾師不見元魯山夢寐役所思遺山

乃其後僻處政坐詩時復一相過照眼珊瑚枝奇書多
攜來爲子卧聽之

少從白衫游氣與山崢嶸一念墮文字腸腹期拄撐多
機天所災室暗燈不熒拈書枕頭睡鼻息春雷鳴泰山
與鴻毛何者爲重輕蹄泓與勃解誰能較虧盈如能平
其心一切當自平

嵩箕有奇姿出雲何悠然雲山足佳處留客今幾年有
子罷讀書求種山間田粟里愧淵明香山慚樂天二老
已古人相望雲泥懸得酒邀月未對影空自憐攝衣欲
起舞稚子不須牽

喜霽

片段溪雲破縱橫野水涼入雨泥塞路蠅動日烘窓亂
壁苔痕滿侵苔樹影雙還思驟新黍羞面挹秋江

詩送辛敬之東歸二首

風埃憔悴舊霜袍老去新詩價轉高椽栗漫山猶可煮
不須低首向兒曹

文章無力命有在一點浩然天地間風雪滿頭人不識
又携詩藁出西山

修城去

卸帳聞新聲陷官復完治

修城去勞復勞途中哀嘆聲嗷嗷幾年備外敵築城恐
不高城高慮未固城外重三壕一鋏復一杵瀝盡民脂
膏脂膏盡猶不辭本期有難牢護之一朝敵至任推擊

外無強援中不支傾城十萬戶屠滅無移時敵兵出境
已踰月風吹未乾城下血百死之餘能幾人鞭背駢行
補城缺修城去相對泣一身赴役家無食城根運土到
城頭補城殘缺終何益君不見得一李勣賢長城莫道
世間無李勣

田間秋日三首

好雨知時便放晴天和醞釀作西城秋奴但得官軍飽
未怕輸租遠十程
未穗纍纍豆角稠松前村落太平秋熙熙多少豐年意
都在農家社案頭
儲翁偃慢負薪行稚子跳梁剝棗聲不似二姑忙更殺

晚春堆髻脫釵荆

客况

廬山路遍却歸崧世事悠悠付老慵樂近僧居非佞佛
苦無田種強爲農菊花雨似人情冷梨葉霜如酒力濃
一十五秋河表客合教節物笑龍鍾

學稼

不堪炊煮一箱書十口東西若可餬食祿已慚中隱吏
墾山聊作下農夫藁遺場圃無多積子入官倉困遠輸
近日愚軒睡眠少打門時復有追肴

立秋日

况味年來老比丘禪房三伏得遲留連宵雨作蛩蛩曉

十口家貧時時秋熟未先須伺禾黍有無何暇問衣裘
半生枉却親燈火一事不成空白頭

村居夏日

官府不著名散迹村落深白雲自朝暮青山無古今愛
此夏日永門巷多繁陰呼兒具繩床不履亦不簪毅勤
好風未為我消煩襟一飽萬事了何用腰黃金羈勒困
名馬網羅多珍禽何如山鹿癡吻吻戀長林

次韻荅裕之

薄暮敲門喜客佳水萍風絮共天涯行藏一話傾心肺
古律三詩淬齒牙朱研不妨閑度日青山終得共餐霞
扶持老病須君輩滿地豺狼萬里家

書懷

懶退無心廩與庖願携諸子斲山礲閑消白日醒吟醉
猛省浮生夢幻泡窈窕雲山三兔窟漂搖風樹一鳩巢
聯名便入村家社莫認公卿是故交

寄裕之二首

泪没兵塵滿鬢霜買鄰心樂古清凉閑陪老秀春行脚
悶欠臞元夜對床正欲脫身求兔窟誰能隨世轉羊腸
南陽未比嵩陽好滿眼交游即故鄉

老懶愚軒百不能飽諳人意冷於冰清狂舊日耽詩客
灰朽而今有髮僧眼裹帝衾三丈日話延雪屋一龕燈
新開一徑通蘭若斬盡清凉舊葛藤

丙子夏卧病汗後有作

枯腸得水若通靈
渙汗週身一雨零
行客筋骸困方歇
醉人心骨喚初醒
病蟬移夢入新殼
老鶴息神梳舊翎
乞得殘骸對兒女
不愁無粟貯陶瓶

宿少林寺

雙輪走雞棲下嶺
分間道行行得精
舍翠崦作廻抱諸
峰知客未故故顏色好
征衫滿塵土慚愧方丈老
殷勤一瓣香爲我除熱惱
世緣如落花籬柵跡俱掃
箇中有佳處行脚恨不早
一庵祖師傍異日親結草

晚出

坐久卧還起畏此夏日長
出門趁縫綫西日明半墻
鳩

鳴舍東柳唯和墻南桑
十日暑煩苦一雨方論量
偶然釋憂抱露坐移繩床
群兒莫相催老子便晚涼

次韻裕之見寄二首

魚入深淵鶴在陰
飛潛何幸遠庖砧
乾坤萬里雲無迹
冰雪三冬栢有心
故國鉤留清夜夢
歲華分付白頭吟
莘川擬作桃源隱
共與青山閱古今

古屋颼颼四壁塵
不堪憂獨足吟呻
瓶儲看客常年慣
家具爲農近日新
世味飽嘗唯可睡
詩情漫苦不醫貧
相從分我西山半
欲乞臞元伴老身

題裕之家山圖

繫舟盤盤連石嶺
牧馬澄澄倒山影
山光水氣相混涵

中有元家舊廬井鴈門一開豺虎場駕言投迹嵩之陽
青山偃蹇不可將十年竟墮兵塵黃東巖風物知猶在
說與寄庵神已會一揮淡墨能似之清輝遠寄形骸外
元家故山吾與鄰夢見不如畫圖真舊曾行處聊經眼
未得歸時亦可人

早發寶應龍門道中有感

山僧送客客行東迴首雲寮夢寐中人語咿啾村店火
帽簷欹側石門風伊川遠映春冰綠少頂先挽曉日紅
為問年來幾還徃只應烏鵲識衰翁

欽若遽有商於之行作長語為別兼簡仲澤
弟一笑

廬山鉉然深可居洛水蚘然清可漁嘉哉山水有如此
不能留客如遠廬楚茅不入干王誅大帥分閫臨商於
謀參帷幄渴英俊蒐羅遠到山間癯隴西四欽出將種
人愛若也温而愉竭耒誰飛薦鸚書枕前墮檄催馳驅
行參幕賓亦大可把酒當為帥君賀王家仲澤如仲宣
共看吐奇飛玉唾一軍號令雅歌中聲落荆蠻膽先破
愚軒退居如醜墮閑暇多君時見過明朝笑語隔關山
一月須拚面墻卧

丁亥三月二十五日雪

史變乾將至陰凝陽不流雨飛猶帶雪風急似號秋草
木無春意關河慘客愁天心寧易測三嘆索冬裘

大暑

旱雲飛火燎長空白日渾如墮甌中不到廣寒冰雪窟
扇頭能有幾多風

讀樂天無可奈何歌

鳧脰苦太短蚺足何其多物理斬不齊利劍空自磨老
跖富且壽元惡天不訶伯夷豈不仁餓死西山阿天意
寓冥邈人心徒揣摩不如且飲酒流年付蹉跎酒酣登
高原浩歌無奈何

哀古道

山深道壞水縱橫怪得春來少客行不信天教人迹斷
水乾更遣蒺藜生

薛鼎臣罷登封

弄人鼓笛不相疑便着當場傀儡衣終日抱飢唯飲水
也和醉客一時歸鼎臣材大夫宰登封有惠政今以例
罷故有上句

密國公壽

密公字子瑜興陵之孫越王之長子百年以來宗室中
第一流人也少日學詩于朱巨觀學書于任君謨遂有
出藍之譽文筆亦委曲能道所欲言朝臣自閑閑公楊
禮部雷御史而下皆推重之資雅重薄於世味好賢樂
善寒士有不能及者明昌以來諸王法禁嚴諸公子皆
不得與外間交通故公得窮日力於書讀通鑑至三十

餘過是非成敗道之如目前越王薨後稍得出游文士
董亦時至其門家所藏法書名畫幾與中秘等客至貧
不能具酒肴設蔬飯與之共食焚香煮茗盡出藏書商
略之談大定明昌以未故事或終日不聽客去風流蘊
藉有承平時王孫故態使人樂之而不厭也所居有檇
軒又有如庵自號檇軒老人其詩號如庵小叢園城中
以疾薨時年六十一

秋郊雨中

羸驂破蓋雨淋浪一抹烟林覆野塘不着冰禽閑點綴
只橫秋浦更淒涼

宴息一首

宴息春光晚閒眠晝景虛冥心居大道達理契真如樂
對忘形友欣逢未見書世間幽隱者何必盡樵漁
日日閑窓下簞瓢樂不殊花魁穠且艷湖玉秀而矜憶
友尋詩卷思山展畫圖丹青傳六逸能着老夫無

梁臺

汴水悠悠蔡水耒秋風古道野花開行人驚起田間雉
飛上梁王鼓吹臺

自適

晴晝搖涼光長空淡虛碧燕鴻亦何為老翅南又北衰
柳墮殘葉庭戶覺岑寂幽人誦佛書清香縈几席西方
病維摩東臯醉王績俱到忘言地佳處略相敵小齋蝸

角許夜卧膝仍屈能以道眼觀寬大猶四極有書貯實
腹無事梗虛臆謝絕声利徒尚友古遺直

城西

鴈帶邊声遠牛橫廢壟長人居似河朔罔勢堦滎陽禾
短新村墅沙平古陣場悠然望西北暮色起悲涼

送王生西游飛伯

紫陁仙人今淵雲騎風禦氣七尺身丈夫耻與噲等伍
故作野鶴昂雞群往年書劍游梁日咳唾中間滿珠璧
温子徒勞手八叉蘇老猶迷日五色慨然拂袖遊嵩陽
西南陌上書傳香仲宣堂堂舍我去舉杯却愁愁更長
去程相近黄花節三十六峰如玉列龍門楓葉墮紅綃

洛浦蘆花舞晴雪勲名細事猶秋毫政可痛飲讀離騷
天津月照紫綺裘緱嶺風吹青玉簫我無羽翼隨君起
浩歌相送秋光裏憑高西望青茫茫落日無情下寒水

王生以秋騷見示復以此謝之

三年京國與君遊每限知君尚未周始露雄文陵楚些
又登長陌佩吳鉤燈殘茅店雞催曉霜落金風鴈喚秋
後夜文星出西洛仲宣知在水南樓

自題寫真

枯木寒灰久亦神應緣未現昨公身只因酷愛東坡老
人道前身趙德麟馮軒嘗對昨

黃華畫古栢

黃華老人畫古栢鐵簡將軍挽大弔意足不求顏色似
荔支風味配江瑤鐵簡初天下

書龍德宮八景亭

刻楠朱楹墮紺紗裙腰草色趨堦斜誰知剝落亭中石
曾聽宣和玉樹花

思歸

四時唯覺漏聲長幾度吟殘蠟燭缸驚夢故人風動竹
催春羯鼓雨敲窻新詩淡似鵝黃酒歸思濃如鴨綠江
遙想翠雲亭下水蒲陂青草路鷺鷥雙

如庵樂事

人間最美安心睡睡起從容盥漱終七卷蓮經蕪沉水

一杯湯餅潑油葱因循默坐規禪老取次拈詩教小童
炕煖窻明有書冊不知何者是窮通

題晉卿玉暉寶繪

顧陸張吳寶繪堂風花雪月保寧坊錦囊玉軸三千幅
翠袖金釵十二行數筆丹青參季范一時遷謫為蘇黃
太原珍玩名天下舊跡猶憑古印章

得友人書

聞有書來喜歎狂紫芝眉宇久難忘別離唯嘆我頭白
詩句屢成君馬黃公幹羈栖猶洛下孔明高卧尚南陽
冷官領取閑中趣遠勝區區夢蟻忙

內族子銳歸來堂

一旦能知夢裏真平生看破主中賓歸來堂上忘形友
名利場邊稅駕人東郭風烟宜蕙帳南山猿鶴識綸巾
清尊雅趣閑茶味盞盞冲和肩肩新

題潘閨夜歸圖

不是詩人灞水壩又非野老曲江邊風姿便認王摩詰
蘊藉還疑李謫仙驢背倒騎蓮岳下牛腰穩跨竹林前
掀髯對月餘高興明日佳篇幾處傳

漫賦

貧知囊底一錢無老覺人間萬事虛富貴儻來終作廢
勲名便了又何如李膺未飽松江鱸魯望將成笠澤書
自是杜門無客過不關多病故人疎

寓跡

寓跡中山記昔年西溪卜築欲終焉飄零何在五株柳
離亂難歸二頃田漫叟未能忘野寺道人猶解識林泉
吾鄉已宅無何有一笑醯雞盡瓮天

秋晚出郭閑遊

塵中俗事海漫漫暫出城闈借眼寬沙麓去邊群牧小
野雲平處一鷗盤殘荷露水秋光晚衰柳搖風古渡寒
此幅大年橫景畫魯岡圖上似曾看

老境

老境唯禪况幽居似寶坊酒盃盛硯水經卷貯詩囊懶
甚書彌少閑多夢自長不知何處雨徑作夜來涼

北郊晚步

波水荷凋晚茅簷燕去涼遠林明落景平麓淡秋光群
牧歸村巷孤禽立野航自諳閑散樂園圍意尤長

閑詠

歲晚陶元亮平生馬少游凋殘半枯木浩蕩一虛舟鶴
望塵迷眼雞棲屋打頭瓶儲尚蕭索焉敢計菟裘

池蓮

輕輕姿質淡娟娟點綴圓池亦可憐數點忽飛荷葉雨
暮香分得小江天

梁園

一千八里汴堤柳三十六橋梁苑花縱使風光都似舊

北人見了也思家

釋迦出山息軒畫

厖肩袖手出巖阿及至拈花事已訛千古雪山山下路
杖藜無處避藤蘿

過香相墓

亭亭華表映朱門始見征西宰相尊下馬讀碑人不識
夷山高處望中原

秋日小雨

白鷺徘徊花鴨遊城南城北幾汀洲綠荷風底飛未雨
做弄今年甲子秋

東郊瘦馬

此歲無秋賦空病驟難遣齧枯叢倉儲自益駑駘肉
獨尔空嘶首霜風

枕上聽雨

卧聽羯鼓打涼州元是芭蕉細雨秋庭際玉簪開幾許
小窓特地暮香幽

溪景

飛飛鷗鳥自徜徉也解新秋受用涼日暮碧溪微雨過
滿風都是藕花香

題紙衣道者圖

紫袍披上金橫帶藜杖拖來紙掩襟富貴山林爭幾許
萬緣唯要總無心

春半喜晴

陰寒二月雪含雲兩日開晴淑景新借問海棠紅幾許
杏花楊柳不曾春

漁父詞二首

楊柳風前白板扉荷花雨裏綠蓑衣紅稻美錦鱗肥漁
笛閑拈月下吹

釣得魚未卧看書船頭穩置酒葫蘆烟際柳雨中蒲乞
與人間作畫圖

馬伏波

可歎迂疎一老翁豈堪床下拜梁松明珠薏苡猶難辨
萬里爭教論杜龍

留侯

辟穀輕身慕赤松不知誰舉傳春宮君方避溺猶居水
忍使餘波及四翁

對鏡二首

鏡中色相類吾深吾面終難鏡裏尋明月印空空受月
是他空月本無心
明明非淺亦非深何事癡人泥影尋照見大千真法體
不關形相不關心

夏晚登樓

登樓晚暑復相攻快意清風忽此逢雲似碧山天似水
露波平浸兩三峯

華亭

世尊遺法本忘言教外別傳意已圓隻履携將葱嶺去
不妨未上月明船

中州戊集卷終

念中州成

四十九



程